

صناعة محمد ﷺ "العالم قبل محمد ﷺ" | الحلقة (60)

#لماذا_محمد ﷺ | د. حازم شومان

حازم شومان

علشان رسولنا ورب اللي اصطفاه ربنا بعثتوا لي السلام عليكم ورحمة الله وبركاته. الحمد لله وكفى وصلة وسلاما على عباده الذين اصطفى. اللهم صل على محمد وعلى آل محمد كما - 00:00:00

صليت على ابراهيم وعلى آل ابراهيم انك حميد مجيد. اللهم بارك على محمد وعلى آل محمد كما باركت على ابراهيم وعلى آل ابراهيم انك حميد مجيد. ثم اما بعد. في مرة من زات المرات كان رسول الله صلى الله عليه وسلم مع صحابة رضوان الله عليهم. قال لهم لا يؤمن احدهم - 00:00:25

لا يؤمن احدكم حتى اكون احب اليه من نفسه. عمر ابن الخطاب قال له يا رسول الله انت احب الي من كل شيء. قلبي اهو اله يا رسول الله اه قلبي بكل اللي فيه لك انت ولحبك يا رسول الله. الا حنته صغيرة بس. حنته صغيرة ما تجيشه خمسة في المية من قلبي الا نفسي. الا نفسي يا رسول الله - 00:00:45

الله. الرسول عليه الصلاة والسلام قال له لا يا عمر. الرسول رفض. الرسول قال له قلبك مية في المية يبقى ملیان بحب الرسول عليه الصلاة والسلام. الرسول قال له لا يا - 00:01:05

عمر حتى اكون احب اليك من نفسك. يا مية في المية من قلبك يا عمر يا لأ. يا مية في المية من قلبكم يا امة محمد يا لأ يا ترى - 00:01:15

يا ترى واحنا بنسمع عن رسول الله صلى الله عليه وسلم؟ قلبك بقى كم في المية منه ملیان بحب رسول الله صلى الله عليه وسلم؟ يا ترى قلوبنا بقت مليانة حب النبي قبل - 00:01:25

قد ايه يا جماعة؟ قد ايه؟ قد ايه احد ما اشتقتيش لنظرة لوجه النبي عليه الصلاة والسلام؟ ما اشتقتش لاول مرة هتشوف وجه النبي عليه الصلاة والسلام على الحوض يوم القيامة. ده عبدالله بن سلام حبر يهودي حاخام يهودي. كان من اكبر حاخامات اليهود في الجزيرة العربية. اسلم لما نزرت - 00:01:35

نظرة لوجه رسول الله. صلى الله عليه وسلم وقال اشهد ان هذا الوجه ليس بوجه كذاب. واجمل منك لم ترى قط عيني اكمل منك لم تلد النساء خلقت مبدأ من كل عيب كانك قد خلقت كما تشاء. عليه الصلاة والسلام. احد - 00:01:55

غاب عنه رسول الله صلى الله عليه وسلم عدة ساعات. الصحابي قعد يبكي. الرسول لقاه يبكي. لما قابلته. فالرسول عليه الصلاة والسلام بيأسأله يبكي ليه؟ قال له او حشتني يا رسول - 00:02:15

او حشتني واني تذكرت اني اذا دخلت الجنة كنت في مقام ادنى وانت في الدرجات العليا من الجنة. واني لا اصبر على فراق في الدنيا فكيف اصبر على فراقك في الآخرة؟ انا ما اقدر اصبر على فراقك في الدنيا يا رسول الله. هاصبر على فراقك في الآخرة ازاي؟ هاصبر على فراقك - 00:02:25

الجنة ازاي؟ عايز اقول واحنا بنبدأ درس الليلة. وحشتني يا رسول الله. وحشت كل زرة في قلوبنا يا رسول الله. وحشت كل زرة في كياننا يا رسول الله عليه الصلاة والسلام. بدأنا امبرأح صناعة محمد. بدأنا نتكلم عن اعداد الله لرسول الله. الاعداد ان الى جماعات الدنيا ولا اسد - 00:02:45

الدنيا ولا علماء الدنيا ولا معاهد الدنيا ولا مدارس الدنيا. تقدر انها تعد انسان هزا الاعداد. اتكلمنا ازاي ربنا ببعد رسول الله هزه الرسالة.
ازاي ربنا ببعد اخطر اعداد على وجه الارض؟ الانسان اللي هييشيل الدين هيقف في وش الطواغيت. هيرجع الحق تاني هيئني ويظهر
- 00:03:05

الفطر جوة القلوب تاني. الانسان اللي هيفجر معاني حب الله جوة قلوب البشر مرة تانية. اللي هيخللي الناس تسجد لله في مشارق
الارض ومغاربها ازاي اعد هزا الانسان العظيم؟ ازاي اعد نبع الحنان العظيم ده؟ ازاي اعد نبع العطاء العظيم ده؟ ازاي محمد بن
عبدالله - 00:03:25

صنع من الله سبحانه وتعالى. وبدأنا نتكلم يا جماعة عن صناعة الرسول. ازاي ربنا صنع النبي عليه الصلاة والسلام نفسه؟ اتنين. ازاي
باهل واعد البشرية كلها لاستقبال النبي من ايام ادم. ثلاثة ازاي ربنا اعدى الكرة الارضية في عهد النبي عليه الصلاة والسلام -
00:03:45

اربعة ازاي ربنا اعدى جزيرة العرب كلها لاستقبال محمد بن عبدالله عليه الصلاة والسلام. خمسة. ازاي ربنا اعد اهل مكة لهزا الاستقبال
العظيم. رقم ستة ازاي اعدى الرجال اللي هتشيل معه؟ ازاي والنبي كان بيعد وبيفصل؟ كان ابو بكر بيفصل وعمر بيفصل وخديجة -
00:04:05

مسلمان وعمار وصهيب كل دول. كانوا بيعدوا عشان يشيلوا الدين مع رسول الله. صلى الله عليه وسلم. اتكلمنا امبراح عن اول انصر
ازاي ربنا اعد الرسول عليه الصلاة والسلام؟ ازاي طلعوا يتيم عشان يحس بكل يتيم؟ ازاي يطلع امه امنة عشان يبقى نبع حنان
متفجر - 00:04:25

عشان امه كانت نبع حنان. ازاي؟ ازاي ربنا سبحانه وتعالى وان كان يا جماعة من اجل سلامة الاعتقاد ام الرسول وابوه ماتوا على
الشرك. ولكن احنا بنتكلم على الطياع على الطياع اللي اتساقاها رسول الله صلى الله عليه وسلم - 00:04:45
ليه ربنا اختار له حلية السعدية هي اللي ترضعه؟ ترضعه الرحمة والحلم مع مع اللبن. ازاي ربنا سبحانه وتعالى جعل جبريل يشق له
صدره وهو صغير قلب النبي يبقى اظهر قلب على الدنيا وما يسجده للوشن ابدا. ازاي ربنا خلاه يتاجر ويجرى في التجارة؟ عشان
يفهم الناس ويعرف الدنيا ويعرف الواقع. ازاي - 00:05:01

ربنا اختار له خديجة المرأة العاقلة الزكية الفطنة الحمولة الصبوره. عشان تشيل معه اعباء الدعوه في مكة. ازاي ربنا اعد كل هذا
الاعداد دي كانت حلقة امبراح. النهاردة هنبدأ يا جماعة ازاي ربنا اعدى الكرة الارضية في عهد النبي عليه الصلاة والسلام؟ ازاي عهد
الارض كلها لاستقباله؟ ازاي شوق الارض - 00:05:21

دي كلها لاستقباله. ازاي الدنيا كلها قبل محمد كانت بتتھتف انها عايزه منقذ الارض من اللي وصلت له. منقذ يخلص الارض من اللي
ليه؟ قبل رسول الله صلى الله عليه وسلم الدنيا كان احوالها ايه؟ يا جماعة الكلام اللي هقوله الوقت ده. هيعرفنا ليه محمد هو اعظم
نعمه من ربنا؟ ليه محمد هو اعظم - 00:05:41

ربنا رحم بها الارض. ليه في في رقبة كل امرأة على وجه الارض؟ دين عظيم لرسول الله، صلى الله عليه وسلم. بعد ما كانت النساء
مهانة في الدنيا كلها على وجه الارض كلها. اللي عمل لها اعتبار رسول الله صلى الله عليه وسلم. هنتكلم ازاي الواقعه قبل النبي؟ زي
الواقع دلو قتي بالزيط. بالزيط عشان كده - 00:06:01

الوقتي عايز سيرة النبي مرة تانية. ناس يطبقوها ويسيلوها. زي ما الصحابة شالوها. عشان الدين يرجع تاني للارض من غير ما نياوس
ابدا. ابدا يا جماعة الواقع قبل رسول الله. ادي كسرى اهو. كسرى يتجاوز اخته. وكسرى اللي قبله. كسرى تاني يتتجاوز بنته وبعد كده
يقتلها. وده ملك من - 00:06:21

ملوك الدنيا في الوقت ده. قيصر يملك نص الدنيا ينشر الزنا وينشر الرشوة. في الارض كلها. الامبراطورية الرومانية. لما كانوا يجيروا
العيبد ويعلموا صراع بينهم وبين الاسود والناس في المدرجات الرياضية قاعدة تنفرج وتضحك وتتفرج على الاسود وهي بتمزق
اجساد العيبد وتقطعها حتى - 00:06:41

وفرحاين. البشرية كانت توحشت. البشرية كانت وصلت لدرجة الوحش. بل الوحش كانت ارحم الغابات ارحم. من اللي يحصل على وجه الارض ساعتها العبيد في الامبراطورية الرومانية كانوا تلت اضعاف الشعب. يعني خمسة وسبعين في المية من المجتمع عبيد. ازلاء مسترلين. ازاي - 00:07:01

جماعة كانت روما بتنفرض ضرائب على مصر وعلى سوريا. لدرجة ان كان فيه ناس بتبيع ولادها عشان تقدر تدفع الضرائب من كتر الزلم. والقهر انا عايز اقول لكم ليه ؟ ليه الاسلام لما طلع اكتسح العالم؟ ليه الاسلام لما طلع كل الناس تلقته؟ ليه المصريين عاونوا المسلمين على دخول مصر؟ ليه يا جماعة - 00:07:21

رغم ان كان الدين مختلف في الوقت ده لغاية ما ربنا من علينا بالاسلام. من كتر الزلم اللي كان العالم كله فيه. عايز اكلمك عن وضع المرأة في اوروبا. اوروبا - 00:07:41

بل التنوير الوقتي اللي العلمانيين قاعدين ياخدوا منها المبادئ دلوقتي وجايين لنا احنا. يعلمونا المبادئ. مين عند اوروبا. اوروبا كانت المرأة مش ما بتورثش ده كانت المرأة بتتوريث ده كانت بتتقسم مع الميراس والميراس بيتقسم. عند الهنود كان الرجال ممكن بيجي يلعب القمار على زوجته وزوجته تتأخد منه في القمار. يعني - 00:07:51

واحد يدخل على واحدة يقول لها خلاص انت بقىتي ملكي ازاي؟ انا كسبتك في القمار انا كسبتك في المقامرة من زوجك. تخيلوا يا جماعة تخيلوا ان العالم كان في قطبين كبار زي الوقت كده. زي الوقت قطبين بيتصارع - 00:08:14

وكان فيه حرب باردة وحروب عالمية رهيبة ما بين الفرس والروم. من ضمنها اتنين في العهد المكي نفسهم غلبت الروم وهم من بعد غلبهم سيفلوبون في حروب طائفية طاحنة داخل مصر ما بين الارسوزوكس والكاثوليك وحروب طائفية طاحنة. كان الناس كلها عايزه حد يخلصها من اللي هي فيه. نفس اللي بيحصل - 00:08:29

نفس اما امريكا قتلت متين الف ياباني فيروشيمانا وناجازاكى. بالقنبلة النووية. نفس اما قتل التمانين الف ياباني بالنيل بالحارق. نفس امريكا لما اربعة مليون فيتنامي في الحرب على فيتنام. نفس اللي بيحصل دلوقتي العالم يحتاج يا جماعة سنة النبي. عليه الصلاة والسلام مرة تانية. وضع العرب كان - 00:08:49

العرب كان وسط العالم ده بيعملوا ايه ؟ الجزيرة العربية قبل رسول الله صلى الله عليه وسلم كان وضعها ايه؟ يا جماعة الجزيرة العربية قبل رسول الله صلى الله عليه وسلم. تخيلوا! تخيلوا الوضع اللي كان اتوسط ليه؟ الحروب. مكة - 00:09:09

دخلت حرب بسبب اكل حاد في الاشهر الحرم. المدينة مئات السنين حروب داخلية طاحت المدينة المنورة وخلتها محتاجة منقذ باي طريقة ما بين الاوس والخزرج. حرب اسمها حرب الباسوس في الجزيرة العربية قامت. بسبب ناقة الباسوس ده اسمه ناقة من النوق. بسبب ناقة واحد قتل واحد - 00:09:24

ابو اللي اقتل قام وقال لازم اخذ تار ان اللي قتله. قامت حربة اربعين سنة في الجزيرة العربية. اربعين سنة. تخيلوا بعد اربعين سنة الحرب خلصت ازاي؟ ان ابو القتيل عرف يقبض على اللي قتل ابنه بس ما يعرفش ان هو اللي قتل ابنه. قال له اسيبك على شرط. قال له ايه؟ قال له تقول لي مين اللي قتل ابني - 00:09:44

عرفني مين اللي قتل ابني. قال له لو عرفتك مين اللي قتل ابنك تسيبني؟ قال له اه. قال له اديني عهد وميساق انك تسيبني. قال له لك العهد والميساق؟ قال له انا اللي قتلت ابنك - 00:10:04

واسروا خلصة الحرب. اربعين سنة تخلف همجية. حرب اسمها حرب الغباء بسبب فرس. اسمه الغباء. يا جماعة كانت الواقع ياما قبائل افنت قبائل بسبب الحروب. الحروب الداخلية ما بين القبائل كانت حدس يومي داخل الجزيرة العربية. كان العرب امة مستعبدة. كان - 00:10:14

مسيطرين على جنوب الجزيرة والروم مسيطرين على شمالها. كانوا امة سليلة زي الوقت كده اهو بالضبط. لدرجة ان كسرى لما عجبته بنت النعمانى من المنذر وكان ملك من ملوك العرب قال له جوزها لي. النعمان ما رضاش. يعني يعني صعب عليه ان بنته يوديها لملك الفرس. فالنعمان راح لملك الفرس يسترضيه - 00:10:34

انه انه يعفو عنه قتله وبعث يجيب بنته غصب عنه. وقامت حرب اسمها معركة ذيقار بسبب بنت النعمان ابن المنذر. بس ربنا سبحانه وتعالى يعني ربنا جعل العرب هم اللي ينتصروا على الفرس في هذه المعركة - [00:10:54](#)

كانت ام زليلة القتل كان الاخ بيقتل اخوه عشان اتفه شيء وعشان ابسط شيء او عشان حكم او عشان رئاسة قبيلة. وضع المرأة كان ايه؟ وضع المرأة يا كل امرأة في رقبتك دين لرسول الله صلى الله عليه وسلم. وضع المرأة كانت المرأة مظلومة صغيرة مظلومة كبيرة وقت البنات. عارفة يعني ايه؟ ان وانت - [00:11:09](#)

لسة مولودة. ابوك ياخذك يحفر حفرة ويردما عليك وانت حية. والمرأة حية ده من قسوة قلوبهم. ما كانواش حتى بيموتوها قبلها. ده كانوا بيدهنوها وهي حية. واحد رايح يدفن بنته مرة وبنته صغيرة مش فاهمة حاجة. فالتراب جه على لحيته. نفضته من على لحيته يا بتضحك لابوها - [00:11:29](#)

مع الشيمه ان ابويا عمره ما يعمل فيها ضرر ابدا. فندم عليها التراب وقتلها. واحدة تانية صاحبي مرة في مسند الدارمي بيحكي لرسول الله صلى الله عليه وسلم فيما روی عن - [00:11:49](#)

رسول الله انه في يوم من الايام لما بنته بدأت تكبر شوية قال له امها لبسيها. من غير ما امها تعرف هي عمل فيها ايه. وخد البنت والبنت بتضحك وفرحانة انها خارجة مع ابوها - [00:11:59](#)

لغایة ما وصل لبير مهجورة وهو بيرميها قعدت تستغيس به وتقول يا ابتابا يا ابتابا القاها وقتلها جه الاسلام يكررها ويعظم شأنك ويعرف الدنيا كلها انك غاليله. لدرجة ان عمرو بن العاص يدخل مرة على معاوية ابن ابي سفيان. يلاقيه مقعد بنته بيلاعبها وبيضحك معها - [00:12:09](#)

ف عمرو بن العاص استغرب بنت يعني بتللاعيب بنت قال له هذه تفاحة القلب. بقيت تفاحة القلب عند امك وابوك. بعد دين محمد عليه الصلاة والسلام. المرأة كانت بتتواءد وهي حية ما كانش لها اي دور. ولا اي قيمة في الدنيا كلها. ولما تكبر ما لهاش ورس. ما فيش حاجة اسمها واحدة تورس. ولا - [00:12:29](#)

طفل يورس ما فيش حاجة اسمها طفلة ولا واحدة ست ولا امرأة تورس. تورس ده بتاع ايه! ايه اللي تورس دي! تخيلي الظلم اللي كان على المرأة! تخيلوا يا جماعة الزنا ووضع - [00:12:49](#)

الباء كان انواع الجواز في الجزيرة العربية فيه جواز زي الجواز كده. زي الجواز الشرعي كده. وفيه جواز اسمه جواز البدل. يعني الواحد بيادل مراته مع واحد. ده جواز ده في صحيح البخاري - [00:12:59](#)

الحاديis ده وفيه جواز اسمه جواز الاستبداع ان واحد فقير بيعت مراته لواحد من وجهاء البلد يخليلها تقدر عنده لغاية تحمل عشان بيقى له ابن عزيز او ابن ذكي او ابن. ايه ده! ايه ده!

امرأة النكاح السر والعياذ بالله. كان ده انواع النكاح في الجزيرة العربية قد ايه البغاء. قد ايه يا جماعة انتشار المال الحرام في جزيرة العرب. انتشار الربا. فيه حدیس الواحد - [00:13:09](#)

تمارس البغاء تعلق راية حمرا على بيتها. وسط المجتمع كله شايفه ساكت. كان فيه نكاح تاني اسمه نكاح الرهط ان امرأة تمكن من نفسها مجموعة من الرجال في وقت واحد والعياذ بالله. ولما تحمل تنسبه لله هي عايزه تنسبه له. ما حدش يقدر - [00:13:29](#)

ده مش ابني ابدا كان في حاجة اسمها نكاح المتعة. زي بالزبط الشيعة الوقتي بالزبط. وكان فيه نكاح تاني اسمه نكاح النكاح الخبن. النكاح السر الزنا السر والعياذ بالله. كان ده انواع النكاح في الجزيرة العربية قد ايه البغاء. قد ايه يا جماعة انتشار المال الحرام في جزيرة العرب. انتشار الربا. فيه حدیس الواحد - [00:13:48](#)

قعد يفكر فيه فترة سبحان الله لما النبي عليه الصلاة والسلام قال ان الكعبة ما هياش كاملة. الكعبة حطة حجر اسماعيل. اللي جنب الكعبة ده منها. فالسيدة عائشة يعني كانت بتسمع من النبي. طب ليه العرب - [00:14:08](#)

ما بنوش الكعبة كاملة لما كانوا بيبنوها قبل مبعث النبي عليه الصلاة والسلام بخمس سنين. النبي قال لها ولكن قومك قصرت بهم النفقه. ما كانش فلوس يكملوها بناء الكعبة. ازاي يا رب! يا رب مكة اكبر بلد تجارية في جزيرة العرب. ما عهاش فلوس تبني بيت من

طوب. يا رب ده لو واحد - 00:14:21

متوسط الحال ممكن يبني البيت دهوت على حسابه. ازاي لغاية سبحان الله العظيم يا جماعة! ما فوجئت ان السبب ان الوليد ابن المغيرة وصناديد قريش وقتها لما جم يعيدوا بناء الكعبة شرطوا شرط على الناس. شرطوا ان ما حدش يحط مليم في بناء الكعبة الا من مال حلال. مال حرام لأ - 00:14:41

يعني ما البغاء لأ ما الربا لأ ما الكهانة وسحر لأ ما الاكل مال يتيم لأ فازا بمكة اغنى بلد في العرب ما عهاش فلوس تكمل بناء بيت. شوفوا المال الحرام كان وصل لدرجة ايه ؟ عشان دعاة الاصلاح والدعاء الى الله. ما ييأسوش اما يشوفوا البيت دخل في كل ربا - 00:15:01

وفواید البنوك دخلت في كل بيت. ما ييأسوش اما يشوفوا الربا. انتشر في كل مكان. وان المال الحرام والوظائف الحرام اللي يستغلوا في فندق يقدموا خمور. واللي اشتغلوا في الدي جي والقنوات الفضائية الغير اسلامية وموقع النت الغير اسلامية. والدخول الفنانين والمغنيين والممثلين والممثلات. وكل المال الحرام - 00:15:21

لماذا المجتمع دهوت ؟ ما نيأسش ان هو يتغير. قد ايه يا جماعة؟ قد ايه مكة كانت اخترع الدين وقتها؟ ربنا بيقضى الشتاء عند اللات والصيف عند العزة والعياز اللي عايز ربنا في الشتاء يروح هنا في الصيف يروح هنا. تعالى الله يروحون. اخترعوا شريعة. حرام ان واحد يروح يحج في مكة ويشتري اكل من برة - 00:15:41

لازم من جوة مكة ما يجبش اكل من برة ولا يجحب هدوم من برة. طبعا اغراض تجارية بحنة. قد ايه الاوسان انتشرت. الاوسام من اول ما عمرو ابن لحي الخزاعي - 00:16:01

دخلها انتشرت في كل قبيلة وفي كل بيت وبقي لها موالد وبقي لها مقامات وبقي لها احتفالات. عمر ابن الخطاب عمل صنم من عجوة مرة وجاء في السفر فقام واكله. كانوا حاطين تلميمية وستين صنم على الكعبة. بيت الله الحرام. مجاملة لقبائل العرب. مواد - 00:16:11

بينكم اوثانا مودة بينكم. عشان ما نيأسش يا جماعة. من المعجزات ان النبي ما سجده الوثن عليه الصلاة والسلام. قد ايه الواقع؟ قد ايه الواقع قبل رسول الله صلى الله عليه وسلم - 00:16:31

قد ايه الواقع كان رهيب. قد ايه الواقع كان مقيد. قد ايه الزلم كان منتشر. والزل كان منتشر. قد ايه الكهانة كانت منتشرة لدرجة ان النبي كان طب وهيقتل عليه الصلاة والسلام بسبب كلام كاهن. قد ايه كل المصايب ديت كانت منتشرة في بلاد العرب في هزا الوقت. طيب النبي عليه الصلاة - 00:16:43

والسلام عرفتم ليه يا جماعة؟ عرفتم ليه البشرية كلها كانت عايزه منقذ؟ عرفتم ليه يا جماعة؟ الاسلام اكتسح العالم اول ما طلع. عرفتم ليه الصحابة حبوا النبي حب رهيب؟ لانه - 00:17:03

وجه خلصهم من كل الوضع الرهيب ده. عرفتم ليه يا جماعة هرقل ملك الروم؟ لما سمع عن النبي من ابو سفيان قال له لو كنت عنده لغسلت بين قدميك يا مي ده انا اغسل رجليه. ليه؟ هو بيتكلم على الاخلاق! هو لسة فيه حد في الدنيا دي بيtalk عن الاخلاق! هرقل كان حاكم! حاكم من كتر فساد - 00:17:13

الشعب بتاعه ما حدش قادر يعمل حاجة. ما حدش قادر يعمل حاجة للشعب بتاعه. تخيلوا الفساد. كان وصل لدرجة ايه! طب وفين يا جماعة؟ فين سلمان في الوقت ده؟ والنبي عليه الصلاة والسلام - 00:17:33

لسه على الغار. كان فين سلمان؟ كان فين زيد ابن عمرو ابن نوفل؟ كان كل طالب حق ماشي معذب في الارض. بيلف الدنيا كلها بيدور على حد يidle على ربنا على حد يوصله لربنا قد ايه العذاب اللي شافه طلاب الحق في الوقت ده؟ وهم عايزين يوصلوا لله ومش عارفين يوصلوا زيد بن عمرو - 00:17:43

ابن نوفيل واحد من العرب قلبه دخل فيه نور التوحيد. ايقان ان الاوسان شرك. صمم انه يصل لربنا. خرج يسافر في الشام يدور عند النصارى راح لليهود ما اقتتنعش لف الدنيا. مش عارف يصل لله. رجع عند الكعبة وسند ضهره للكعبة مرة. وهو بيبكى وبيقول -

اللهم لو اني اعلم احب الوجوه اليك لعبدتك به. ولكنني لا اعلم. ما ناش عارف اروح فين عشان اوصل لك يا رب؟ ما اناش عارف اتوجه لمين عشان اعبدك يا رب؟ ما اناش عارف ويسبجد على راحتة. يعني يحط ايده على وشه ويقعد يتالم - 00:18:23

من شدة الالم النفسي اللي جواه وينادي في اهل مكة والله يا اهل قريش ما من ما انتم على شيء ولا انتم على دين ابراهيم زيد ابن عمرو ابن نفيل الخطاب ابو عمر ابن الخطاب يطرده في الآخر ويأزيه ويطلعه يعيش على جبل من الجبال المتطرفة في مكة ويمنعه انه يدخل مكة غير - 00:18:43

في السر ولما بيجي يدخل بيعتوا عليه الشباب يطربوه برة مكة. وفي مرة من المرات اللي سافر فيها يدور على الحق في الارض. وهو راجع مكة يقتل ابن عمرو ابن نوفية غالباً اهل مكة هم اللي قتلواه في النهاية. وهو بيموت يقول اللهم ان كنت قد حرمته من هذا الخير فلا - 00:19:03

لا تحرم منه ابني سعيد. ويطلع ابنه سعيد ابن زيد ابن عمرو ابن نفيل. واحد من العشرة المبشرين بالجنة. زوج فاطمة بنت الخطاب ومن الصادقين للسلام. والرسول يقول على زيد بن عمرو بعد كده بعث يوم القيمة امة واحدة. ربنا هيبعسه كانه امة - 00:19:23
لوحدة من تكريم ربنا سبحانه وتعالى ليه ؟ قد ايه كان طلاب الحق تايهين في الارض؟ سلمان الفارسي. الشاب الصغير الفارسي ناحية افغانستان وايران وابوه كان شيخ القرية وكان غني جداً. وكانوا مجوس بيعبدوا نار وكان ابوه عنده املاك واسعة. وابوه كان بيخاف عليه جداً لحد ما - 00:19:43

في البيت مرة قال له يروح يتبع عمل من اعماله. سلمان وهو ماشي شاف كنيسة من كنائس النصارى. سباقهم بيصلوا وفضل يصلى معهم طول اليوم. رجع لابوه قال له الدين ده احسن من دينا. ابوه خاف عليه قيده بالسلالس. حد منكم عشان يوصل لربنا اتقيد بالسلالس؟ حد من الملتزمين ولا الملتزمات اهله ايدوه - 00:20:04
سلالس عشان يمنعوه عن الدين. قيدوا بالسلالس. سأل اصل النصرانية فين؟ قالوا له في الشام. قال بعت للقتاؤسة. لما تيجي قافلة تروح الشام عرفوه اول ما جت قافلة كسر السلالس بتاعتته. وطلع وساب شبابه. وایام المتع كلها في بلاد فارس. وساب مستقبله وسرورته - 00:20:24

ابوه وساب الفلوس وساب اهله وساب احبابه وساب الدنيا عشان يوصل لربنا ويصافر الاف الكيلومترات مع القافلة لغاية ما يوصل للشام وصل للشام اول قسيس اتعرف عليه وخدمه. طلع نصاب بياخد من الناس الفلوس وينصب على الناس على انها صدقات. طلع نصاب - 00:20:44

طب تخيل اول مرة تلتزم وتدخل الجامع تقابل واحد ينصب عليك. ومع ذلك يكمل بعد ما يموت يعيش مع قسيس تاني يخدمه. لما بيجي القسيس الثاني يموت كان انسان صالح جداً يقول له الى من تعهد به. اروح لمين بعدك؟ يقول له لا اعلم احد على وجه الارض على ما انا عليه. الا رجل اخر في - 00:21:04

في العراق يصافر العراق لغاية ما يوصل له ويقعد خدام له. بعد ما كان باشا ابن باشا بيقى خدام. لما بيجي يموت القسيس يقول له طب اروح لمين يساعدك يقول له في واحد فيه نصيبين يروح نصيبين في شمال الجزيرة العربية. لما بيجي القسيس اللي يشتغل له خدام يموت يقول له اروح لمين بعدك. يقول له في قصة - 00:21:24

عمورية في اوروبا في وسط اوروبا. البلد اللي افتحها اللي فتحها المعتصم بعد متين وخمسين سنة من بعسة النبي عليه الصلاة والسلام يروح للقسيس اللي في عمورية يخدمه وهو بيموت القسوس يقول لها اروح لمين بعدك. يقول له انا ما اعرفش حد على وجه الارض. عاد كده ولكن فيهنبي خلاص اقبل - 00:21:44

بتاعه والبلاد بتاعتته مليئة بالنخل ويوصف له علامات النبوة بتاعة النبي عليه الصلاة والسلام. سلمان يعرف ان الاوصاف ديت قريبة من بلاد العرب يلاقى قافلة رايحة بلاد العرب يقول لهم تاخدوا كل ما املك الغنمات اللي كان يملكها وتأخذوني معكم توصلوني هو مش عارف هو رايح فين ولا هيوصل للنبي ازاي ولا هيوصل - 00:22:04

لربنا ازاي ؟ بس الانسان الصادق ربنا هيوصله. مش هيسيبيه يطلع سلمان ويأسره والقبيلة تخونه اللي مسافر معها اوه عبد لبني قريزة في المدينة المنورة تخيلوا يا جماعة ربنا اللي بيوصله. يقع في ايد اليهود. في يوم من الايام وهو بيшиيل النخل منه - 00:22:24
البلح من على النخل يلاقى واحد داخل يقول انظر بيكلم اليهودي سيده. انظر الى الى الواس والخرج وهم مجتمعون على رجل يقول انهنبي سلمان بيقول فاخذته رجفة حتى ارتجفت النخلة. النخلة ارتجفت من ارتجافته. ونزل من على النخلة ومسك الرجل يقول له - 00:22:44

ماذا تقول ؟ ماذاتقول انت بتقول ايه ؟ اللي لفيت الدنيا كلها عشانه. جه لغاية عندي في البلد اللي انا فيها. ماذاتقول سيده ؟ قال له ومالك ؟ انت ما لك انت - 00:23:04

ساب الكلام وفضل ورجع لشغله تاني سم زهب الى النبي عليه الصلاة والسلام في نفس اليوم ويسلم سلمان الفارسي. عايز اقول ايه ؟ عايز اقول بالحق تعزبوا قد ايه. اللي عايزين يوصلوا لربنا ده امرار قد ايه قبلك يا رسول الله. قبلك يا حبيب الله عليه الصلاة والسلام. عرفتم ليه هو - 00:23:14

اعظم رحمة من الله على الدنيا. عرفتم ليه الارض كلها كانت عايزه مخلص منقذ. حد ينقذ الارض من اللي هي فيه. ده اعداد ربنا للارض كلها لاستقبال النبي ازاي ان الارض الارض كانت مشتاقه لانتزار رسول الله. صلى الله عليه وسلم. نتكلم بعد كده اعداد البشرية. طبعا الكل اعداد من دول حاجات كتير جدا. بس - 00:23:34

احنا الوقت بتاعنا محدود جدا يا جماعة. فاحنا بنجيب عناصر على قد ما نقدر. طب اعداد البشرية من ايام سيدنا ادم ؟ ايوة يا جماعة. ايوة بشارات الكتب المقدسة ما فييشنبي ما بشرش بسيدنا محمد عليه الصلاة والسلام. ما فييشنبي ربنا ما اخدش عليه الميساق. انه يؤمن بمحمد وينصره لو بعس في زمانه. عايز - 00:23:54

الصلاه والسلام ويبقى جندي في جيش محمد. لما بعس رسول الله صلى الله عليه وسلم. الدنيا كلها كانت مشتاقه لك يا رسول الله. طب ليه ؟ ليه ربنا يخلي نوح يبشر - 00:24:14

سيدنا محمد وابراهيم يبشر بسيدنا محمد رغم ان من زمانه اصلا. ربنا يعلم انه مش زمان ولا هيجي في الوقت ده خالص. عشان البشرية كلها في كل عصر تفضل مشتاقه لرسول الله. صلى الله عليه وسلم. وكان عبادة الشوق لرسول الله. من ضمن العبادات اللي ربنا - 00:24:24

عبد بها البشر كلهم. حتى لو كانوا مش مسلمين. ربنا تعبد قوم نوح وقوم ابراهيم وقوم موسى. وقوم عيسى عبادة الشوق لرسول الله. صلى الله عليه وسلم. الدنيا كلها مشتاقه لك يا رسول الله. سيدنا محمد يا جماعة او صافه متبشر بها في التوراة والانجيل - 00:24:44

والكتب السماوية كلها. يا جماعة او صاف سيدنا محمد دي معجزة اصلا. او صافه شكله خلقه اجمل منك لم ترى قط عيني. او صافه في الحشيش كده ربنا بيقول يعرفونه كما يعرفون ابناءهم. لأن او صافه عارفينها بس هم اللي بي Kapoorوا وبيعانوندا. ومنهم من ينظر اليك. ملامحك - 00:25:04

موصوفة في الكتب السماوية يا محمد. يا ابن عبدالله عارفين وصف النبي ؟ عارفة وصف النبي يا اختي في الله. كف الحبيب عليه الصلاه والسلام. انس بيقول وما ما مسست ديباجا ولا حريرا الي من كف رسول الله. صلى الله عليه وسلم. عرق الحبيب عرقه. انس بيقول - 00:25:24

ولا شمنت ولا شمنت ريحانا ولا عطرا ولا مسكا. اطيب من عرق رسول الله صلى الله عليه وسلم. ام سليم النبي كان خدت العطر العرق بتاعه وحطته في قارورة العطر النبي بيصحى بيقول لها بتعملني ايه ؟ مازا تفعلين ؟ قالت له يا رسول الله عرقك نطيبي به - 00:25:44

نجعله في طيبنا يعني بتعطر العطور بعرق رسول الله. صلى الله عليه وسلم. كف ايد الحبيب عليه الصلاه والسلام. ايده ما اتحطتش على مريض الا شفي. ايده ما اتحطتش على كسير الا جبر. ايده ما اتحطتش على حاجة الا جت البركة فيها - 00:26:04

يسبح فيها الطعام. ايده حطها على الرجل المكسورة للصحابي شفيت. ايده الظاهرة الطيبة. حطها على عين سيدنا علي يوم خير وهي مريضة شفيت. ايده حطها على الطعام بورك فيه واكل الجيش كله في تبوك عليه الصلاة والسلام. عليه الصلاة والسلام - 00:26:24

عايز اكلمكم يا جماعة عن عن ثغر الحبيب كان اذا تكلم لأن النور يخرج من ثنایاه. النور بيطلع من بوقه عين الحبيب كانت كحلاة كان فيها كحل طبيعي. لأنها متكلحة طبيعي. شعر الحبيب. كان اسود وطويل عليه الصلاة والسلام شعر الحبيب عليه الصلاة والسلام. تخيل - 00:26:44

اللاماح دي لحية الحبيب. وهي مالية صدره. وجه الحبيب. نظرت الى رسول الله والى القمر. ثم الى رسول الله ثم الى القمر. فلوس قول الله اجمل في عيني من القمر. هل كان وجه رسول الله كالسيف؟ بل كان كالقمر. كان يرى ضياء وجهه على الحائط من نور - 00:27:04

عليه الصلاة والسلام. كان لأن الشمس تجري في عروق الشنور مش دم يا جماعة. وجه الحبيب ثغر الحبيب يعني الحبيب قدم الحبيب عليه الصلاة والسلام. رجله اللي اتفطرت من القيام في العبادة. رجله اللي اتفطرت من الرمية بالحجارة من ابو لهب. في - 00:27:24

اسواق مني وفي مني رجله اللي اتفقطع جلدتها في غزوة زات الرفاع. رجله عليه الصلاة والسلام اللي ادميت واتفطرت. في رحلة الطائف رجل الحبيب اخطر علامة في خلق الرسول. خاتم النبوة حاجة كده يا جماعة يعني زي حتهة جلد كده. يعني حته طالع منها شوية شعر كده - 00:27:44

علامة موصوفة. ختم النبوة بتاع النبي عليه الصلاة والسلام. ختم النبوة كان فين؟ كان في كتف النبي فين بالزبط؟ في ظهر النبي يعني فين يعني في الكتف الشمال بتاع النبي يعني بالزبط ايه؟ يعني في ظهر القلب بالزبط - 00:28:04
يعني ورا القلب طب ليه اسمه ختم لما يكون فيه وعاء مجوهرات او خزنة لؤلؤ يتختم عليها. لأن قلب النبي ده وعاء مسك وعاء مجوهرات مليان معاني ايمانية وده الختم اللي على قلب النبي عليه الصلاة والسلام. وزائد ان فيه بعض الاثار ان الشيطان لما بيوسوس لانسان بييجي من ظهر - 00:28:21

قلبي يا جماعة لأن الباب مقفل في وش ابليس. تجاه قلب رسول الله صلى الله عليه وسلم. اللي عامل زي صندوق المجوهرات. اللي عليه الختم بتاع المجوهرات ولا قالق والكنوز؟ سيدنا محمد عليه الصلاة والسلام اجمل منك لم ترى قط عيني. طبعا حرروا حاجات كتير جدا في التوراة والانجيل والكتب القديمة - 00:28:41

ولكن فضلت بشارات في التوراة. اسمعوا معي. جاء الله من سيناء. واشرق من ساعير. وتلألأ من جبال فاران. سيناء ده مكان نزول الوحي على موسى. وسعير الشام مكان نزول الوحي على عيسى. وفران دي مكة يا جماعة مكة - 00:29:01
بنص التوراة مكة. مكان نزول الوحي على محمد. اللي هو سورة التين والزيتون وطور سنين. وهذا البلد الامين. التين والزيتون نزول الوحي على عيسى في الشام. وطور سنين سيناء مكان نزول الوحي على موسى. وهذا البلد الامين مكان نزول الوحي على رسول الله. صلى الله عليه وسلم - 00:29:21

في التوراة جاء من فاران ومعه عشرة الاف قديس. النبي كان معه عشر تلاف واحد وهو داخل في فتح مكة. مشهد فتح موصوف في التوراة. بل كلمة محمد موجودة في التوراة. محمد يا جماعة اربع حروف وراء بعض. بالعبري حرف الميم في في العبرية اسمه الميم - 00:29:41

وبعد كده حرف الحيط وبعد كده حرف الميم وبعد كده داليت. الميم الاولانية هي الميم. طب حيط حاء حاء. طب والميم الثالثة مين برضو؟ طب والداليت الرابعة دال دال. محمد مكتوبة في التوراة. مكتوبة رغم كل التحرير اسم الرسول موجود في التوراة - 00:30:01

كده كان عندي كتاب زمان للقصيص اسمه ديفيد بنiamين كيلداي. اسلم وبقى اسمه عبد الأحد داود. الف كتاب اسمه محمد في الكتاب

المقدس. كان بيقول فيه ان اكبر معجزة في الاسلام كلمة محمد اسم الرسول. ليه؟ قال لان مستحيل ان الاسم يكتب في الكتب السماوية - 00:30:21

بعد كده يطلع واحد اسمه محمد وما كانش اسم بيتسنى اصلا. يطلع واحد اسمه محمد ويقول انانبي. وربنا ده كلام لا يمكن الحصول فيه صدفة لا يوم مستحيل يبقى فيه صدفة. اسم رسول الله. البشاره في الانجيل. لما سيدنا عيسى قال لهم - 00:30:41
قال لهم اما الان فانا ذاهب في انجيل يوحنا. ولا تحزنوا اني زاهب. لاني ان لم اذهب لا يأتيكم البرق ليت. ايه البرق ليت ده اللي سيدنا عيسى قال ان لازم امشي عشان هو اللي بيجي بقى. ايه ده الكلمة ديت اسمها باركليسس او باركليست او باركليتس ايه الكلمة دي معناها ايه ؟ الكلمة دي حرفيا - 00:30:59

احمد الذي يحمد المحمود. احمد سيدنا عيسى بيقول مش هينفع. بيجي احمد الا لما انا امشي. فانا امشي وما تزعلوش لان هييجي الافضل هييجي احمد محمد بن عبدالله عليه الصلاة والسلام ويقول لهم في الانجيل. يقول لهم ملکوت الله سينزع منكم. ويعطى الى 00:31:19

آخر هيتشال منبني اسرائيل ويعطى لمحمد ابن عبدالله. ولغاية دلوقتي بيقف النصارى في الصلاة بتاعتهم. يقولوا لربنا ليأتي ملکوتک وهم مش عارفين ان من الف وربع عصمة سنة ملکوت الله جه. ومحمد بعس. ولغاية الوقت اليهود قاعدين يستنوا من ربنا النبي المنتظر. ومحظيين جesse - 00:31:41

بقى له تلات سنين محظيتها على التنفس الصناعي. وهو زمانه يا اما روحه بتطلع يا اما مات وشبع. مش هيشع موت بقى. الله اعلم بقى وتلات سنين والنبي المنتظر جه من الف وربع عصمة سنة. والطريق الوحيد للوصول لربنا. هو طريق محمد بن عبدالله عليه الصلاة والسلام. بشارات يا جماعة في - 00:32:01

تراه ان ان النبي لما هييجي هتزول من امام قدميه الحمى والوباء. ايه ده! ايه الكلام ده! يا جماعة الرسول لما دخل المدينة كان فيه حمى متقطنة في المدينة. وبلال كان بيسميها ارض الوباء. عشان الحمى اللي فيها. ولما دخل المدينة اول ما رجله وطأت المدينة الحمى راحت. من - 00:32:21

المدينة المنورة مين اللي الحمى راحت من قدام رجليه والوباء راح؟ مين يا جماعة غير رسول الله صلى الله عليه وسلم؟ لاما سيدنا عيسى في الانجيل قالوا له نعرف النبي الصادق منين - 00:32:41

قال لهم من ثمارهم ستعرفونهم. من ثماره شوفوا سماره. شوفوا اخلاقه شوفوا ثماره. وانتم هتعرفوا هو صادق ولا لأ نفس الكلمة اللي ربنا قالها في اخر سورة الفتح. لما قال ومثلهم في الانجيل كزرع اخرج شطا. الزرع - 00:32:51

خرج الشاطئ بتاعه والفروع والثمار بتاعته. نفس الكلمة بالظبط جت في القرآن. البشارات برسول الله صلى الله عليه وسلم. ازاي شوق الدنيا كلها لاستقبال رسول الله. ازاي ربنا اعدي جزيرة العرب يا جماعة واحنا في الدقائق الاخيرة - 00:33:11

في الحلقة ازاي ربنا اعد جزيرة العرب لاستقبال رسول الله؟ صلى الله عليه وسلم. ما هو عام الفيل ده الحادسه بتاعة الفيل. ما هو عرفك جزيرة العرب ان مكة دي فيها حاجة - 00:33:27

ربنا حاميها. لا يمكن ربنا هيسيب نبيه كاذب يطلع في مكة ابدا. ابدا وحسستهم بمقام مكة ومقام الكعبه. كمان قري قوم لوط اللي اتخسف بها في ارض العرب وقوم عادوا سموه كانوا شاهد للعرب كلهم ربنا ممكن ينتقم من اللي عصاه قد ايه عشان لما يطلع واحد يقول انانبي يخافوا انهم - 00:33:37

وربنا سبحانه وتعالى كمان اليهود اختاروا من كل الكرة الارضية جزيرة العرب يسكنوا فيها. عشان يفضلوا يقولوا للناس فيهنبي جاي فينبي جاي فينبي جاي وكانوا بيحسبوه. اليهود كانوا بيحسبوا النبي منهم. وكانوا بيقولوا لما هيطلع هنوريكم. والنصارى عشان كده هرقل قال كت اعلم انه - 00:33:57

خارج ولكن لم اكن اظن انه منكم. ما كتنتش اعرف انه هييجي منكم انتم. من الامة المختلفة ديت هي اللي هيطلع منها. هذا النبي ويطلع رسول الله صلى الله عليه وسلم. ازاي ربنا اعد كل شيء؟ اعد مكة ازاي؟ تجارة النبي خلت الناس كلها تعرف. الصادق الامين -

طول موصوف بالصفتين دول في الانجيل يا جماعة. عليه الصلاة والسلام. وكلمة مكة موجودة في التوراة يا جماعة. وجبل سلع اللي النبي سند اليه في غزوة الاحزاب موجود في التوراة. كل الحاجات دي موجودة رغم كل المحاولات. لاطفاء نور الله فضل. وحتى الكتب الهندية القديمة - 00:34:37

كتب البراهيم اللي موجودة دلوقتي فيها كلمة احمد. احمد تلقى الحكمة من ربها. واحمد كلمة احمد اه احمد. احمد تلقى الحكمة من يعني اسم النبي في كل الكتب السماوية. في كل الكتب حتى الان عليه الصلاة والسلام. ازاي ربنا اهل مكة نسب النبي؟ كان نسب مبهر بالنسبة لاهل مكة كلهم - 00:34:57

يا اخواني النبي عليه الصلاة والسلام له نسب مع الامة كلها. نسب النبي لو قعدنا نتكلم عنه لغاية بكرة مش هنخلص نسب عجيب. نسب النبي مع الامة كلها ازاي؟ عشان كل الامة قلبها يجبر ان لها صلة مع النبي عليه الصلاة والسلام. حاضنة الرسول ام ايمن كانت من السودان. طيب - 00:35:17

مارية اللي بعثها المقوقس للنبي عليه الصلاة والسلام كانت مصرية من بلد من بلاد الصعيد. طيب وقوم النبي عليه الصلاة والسلام جدوده جدوده بقى من الانصار جدود النبي دول اصلا من اليمن وهاجروا ايام سد مأرب ما بدأ يتفتت. طب والنبي اصلا من الجزيرة النبي له صلة مع الدنيا كلها - 00:35:37

ربنا جعله حبيب للدنيا كلها. موصول بالدنيا كلها. عشان كل الناس تعرف ان فيه صلة بينها وبين رسول الله صلى الله عليه وسلم نسب عجيب. نسبوا قريش كانت شاييفاه نسب عجيب. انسب اهل مكة ولكن من لطف ربنا ان النبي طبع من الفرع الفقير في هذه العائلة العريقة. عشان ربنا - 00:35:57

طرف وفي نفس الوقت بيقى معدنه نظيف وعظيم. عليه الصلاة والسلام ازاي ان فكرة رفع الحجر الاسود بعد ما كان العرب هيقتطعوا عليه. خلت النبي عليه الصلاة والسلام الكل يعرف حكمته. والكل يعرف قد ايه هو انسان حكيم - 00:36:17
ازاي ان كان فيه بقايا توحيد موجودة لسة ورقة ابن نوفل وزيد ابن عمرو ابن نفيل وبعض المتخلفين ازاي كان لسة فيه بقايا توحيد عشان بييجي محمد بن عبدالله عليه الصلاة والسلام اللي ربنا بيعده وبيعد صحابته ربنا اعد ابو بكر يا جماعة. الفلوس بتاعة ابو بكر دي كانت بتعد عشان تنفق على الدعوه - 00:36:33

علم ابو بكر بالانساب بيعد عشان يعرف يوصل للقبائل كلها مع النبي عليه الصلاة والسلام التجارة ابو بكر خلته يعرف اشهر الناس في جزيرة العرب عشان يجرب للنبي اول يوم من اسلامه خمس اسود من اسود الاسلام - 00:36:53

على ايد النبي عليه الصلاة والسلام في اول يوم. كل دي كانت بتعد تجارة خديجة العلاقات شخصية عمر وعظمة عمر وعظمة حمزة ان دول بكرة كل العزمه دي هتسخر للدين. وكل المواهب دي هتسخر للسلام. ازاي ان ربنا اعدهم ليه؟ حتى وقت ميلادهم عدوا - 00:37:10

ناس تتولد قبل البعسة على طول عشان تبقى اطفال وقت البعسة. وناس تتولد قبل البعسة بشوية عشان يبقوا شباب. وناس تتولد مع النبي عشان يبقوا رجاله. عشان دول يبقوا جهاز الشورى بتابع النبي. ودول يبقوا الشباب اللي يشيلوا دعوة النبي. ودول يبقوا اطفال ينشروا دعوة النبي في كل ازاي يا جماعة؟ ازاي ربنا رتب - 00:37:30

محمد بن عبدالله عليه الصلاة والسلام بيفضل ان اشد نقطة مؤلمة في الدرس بتابع النهاردة الواقع قبل رسول الله. العالم قبل رسول الله صلى الله عليه وسلم. كان حال العالم ايه؟ وكان حال الواقع ايه؟ قد ايه الدنيا كان فيها فساد؟ قد ايه - 00:37:50

الشرك كان انتشر قد ايه الاوسان كانت انتشرت. قد ايه الزلم والقتل والفساد والزل والمهانة وزلم المرأة والبغال والمال الحرام والاستعباد والحرروب والقتل. قد ايه البشرية كانت تحولت الى غابة. قد ايه البشرية كانت محتاجة - 00:38:08

انفذ جديد. المشهد الاخير في حلقة الليلة. المشهد الاخير والعالم مليان فساد رهيب. والعرب مليانة شرك رهيب. ومكة مليانة زلم رهيب وطلاب الحق في عزاب رهيب. مش عارفين يصلوا. ورسول الله شاب فقير يتيم قاعد على - 00:38:28

المهجور في الجبل المهجور اللي اسمه الوقت جبل النور. قاعد يتحنس وينزد في السماء. وما حدش عارف ايه اللي هيحصل بعد كده. بس كل البشرية هي مستنية منقز ينقرها من اللي هي فيه. كل الناس مستنية حد يخلصها من اللي هي فيه. يا ترى يا جماعة ربنا هيسيب الدنيا كده؟ يا ترى ربنا هيخسف بالدنيا - 00:38:48

فمقتهم عربهم وعجمهم. لما ربنا كره اللي الناس عليه. ربنا خسف بهم. سابهم. ربنا هيسيب الزلم ينتشر. ربنا هيسيب ربنا هيسيب الفساد مال الارض؟ ربنا هي عمل ايه ربنا سبحانه وتعالى هيرحم الارض هيعلتها محمد عليه الصلوة والسلام لازم يا جماعة في - 00:39:08

اللي احنا وصفناه كان لازم حاجة كبيرة وخطيرة تحصل. كان لازم السماء تتصل بالارض تاني. لازم طوفان رحمة بيجي يغسل الارض كلها تاني المنقز بيجي للارض يا ترى هيحصل ايه؟ يا ترى ايه الخطوة الجاية؟ يا ترى ربنا سبحانه وتعالى هيرتب ايه؟ وهيقدر ايه؟ ده اللي معنا ان شاء الله - 00:39:28

الحلقة الجاية بكرة بازن الله سبحانه وتعالى اللي هنتكلم فيها ان شاء الله. ازاي وسط التجارة؟ وسط المال وخديجه والسبع اولاد. ووسط قريش ونواحيها. ازاي النبي من وسط مستحيل في الفضول ومن وسط السفر ومن وسط الحرب ومن وسط كل ده. ازاي النبي يسيب كل ده - 00:39:48

ويسيب الدنيا باللي فيها ويبدأ قلبه يتشد بحاجة ما حدش عارف تفسيرها. ويبدأ قلبه يتشد لغاية ما يوصل للمكان بعيد ده. يقعد هناك سنة واثنين وتلاتة اربعة وما حدش عارف هيحصل ايه بعد كده. الحلقة الجاية ان شاء الله. من اول ما النبي طلع الجبل - 00:40:08

لحد ما نزل من على الجبل. الحلقة الجاية كلها على الجبل. كلها على الجبل اللي عليه غار حراء. اللي حصل فيه اخطر حدس على وجه الارض اللي حصل فيه لاول مرة من ستميت سنة يأمر ربنا جبريل انه ينزل عشان تنتهي متزومة الفساد. اللي على وجه الارض - 00:40:29

الارض ديت للابد بازن الله سبحانه وتعالى. نسأل الله سبحانه وتعالى انه يجعلنا خير اتباع لخير الرسول عليه افضل الصلوات من رب العالمين الى يوم الدين انا مش عارف او صيكم بايه بكرة الجمعة يا جماعة مش بكرة الجمعة برضه ولا ايه؟ اعتقاد يعني ان شاء الله بكرة الجمعة اخواني والرسول عليه الصلوة والسلام وصانا ان احنا نملأ يوم الجمعة بالصلوة عليه - 00:40:49

ليه؟ ان احنا نكثر من يوم الجمعة بالصلوة على الرسول عليه الصلوة والسلام. ليه؟ لأن يوم الجمعة ده بتقوم القيامة فيه. وشفاعة النبي افضل نجاة في يوم القيامة باذن الله برحمه الله. بكرة يا جماعة يوم الجمعة اللي الخالق كلها بتستفغر الله مخافة من قيام يوم القيامة. عايزين نبدأ نتخلق بالأخلاق رسول الله - 00:41:09

صلى الله عليه وسلم. عايزين لساننا ما يكشف الصلاة على رسول الله. بكرة الجمعة يعني بكرة نهاية اول اسبوع في رمضان. بكرة النهاية بتاعة اول اسبوع. ربع رمضان انتهى ربع رمضان انسلح. ربع اعظم فرصة في حياتنا بتخلص يا جماعة. هنودع هزا الربع ازاي؟ هنعمل ايه؟ هنقوم ولا هنفوق ولا لا - 00:41:29

ختمنا كم مرة قعدنا كم جلسة ضحى قمنا كم ليلة سبحنا كم مرة؟ صلينا كم ركعة وصلنا لفين؟ كم باب من ابواب الجنة سبنياه وفزنا به. لازم يا اخواني لازم وقفه مع نفسنا. لازم زي عمود الكهرباء. ما كل شوية بيدخل فيه السلك يجدد الشحنة. الليلة - 00:41:49

تجديد شحنة الليلة نستغفيس بالله. انه يعتق رقبتنا من النار. اللهم اعتق رقابنا الليلة من النار اللهم شد علينا الليلة بعتق رقابنا من النار. يا رب احضرنا مع نبيك محمد. يا رب ارزقنا صحبته في الفردوس الاعلى. يا رب - 00:42:09

قلوبنا. يا رب انصر بنا الاسلام. يا رب اهد الامة يا رب انصر المجاهدين يا رب. فرج كرب المأسورين في سجون اليهود يا رب وفي سجون الكفار يا رب يا رب انصرا مة حبيبك. يا رب اهد امة حبيبك يا رب. اجعله خير رمضان مر علينا في حياتنا - 00:42:29 برحمةك يا ارحم الراحمين. برحمةك يا رب العالمين. اقول قولي هذا واستغفر الله لي ولكم سبحانه الله وبحمدك اشهد ان لا اله الا انت استغفك واتوب اليك. وجزاكم الله خيرا - 00:42:49

